

# Goibekokale

ELGETA / Barikua / 2005eko otsailaren 11a / 215. zenbakia

KOORDINATZAILEA: Irati Agirreazaldegia • Barrenkalea 33 20570 BERGARA • Tel.: 943 76 92 71 • Faxa: 943 76 29 77 • Posta elektronikoa: goibekokale@goiena.com • Lege gordailua: SS475/95

## Muxika: "Hilabete eta erdi barru hasiko dira babes ofizialeko etxeak egiten"

IRATI AGIRREAZALDEGI

Patxi Basauri alkatea eta Joseba Muxika zinegotzia GOITBko Debarri saioan izan ziren martitzenean. Alberto Gorritibereak gidatzen duen saioan, besteak beste industria-guneaz, errepideez, etxebizitzaz eta kulturaz jardun zuten.

Patxi Basauriri Elgetaren azken urteko argazkia egiteko eskatu zion Alberto Gorritibereak, eta honako elementuak aukeratu zituen: industria-gunea, kultura eta eguneko zentroa. Herritarrei galdera eginda ere asko izan ziren horiek berak aipatu zituztenak.

Joseba Muxikak etxebizitzaren gaiari buruz jardun zuen: "Elgeta bizi izateko toki egokia da, ikusi besterik ez dago biztanle kopuruak nola egin duen gora. Etxebizitza berriak eraikitzen ari dira. Orain badago aukera etxebizitza pribatuak erosteko eta aurki babes ofizialekoak ere erosi ahal izango dira. Hilabete eta erdi barru hasiko dira eraikitzen".



Joseba Muxika eta Patxi Basauri Debarri saioan izan ziren Alberto Gorritiberearekin.

Saihesbideaz ere hitz egin zuten: "Diputazioko ordezkariak asteon izan dira Elgetan, eta, gutxi gorabehera, apirilean hasiko dira lanak. Beraz, udazkenarako lehen zatia amaituta egongo da", esan zuen alkateak.

Espaloiak jardun zuten saioan, bai Udal ordezkariekin eta bai

kooperatibako Iban Arantzabalekin ere. Ingurumena, kirol-gunea, mendi museoa eta beste hainbat gaiez ere jardun zuten.

### ERREPIKAPENA

Ikusteko aukerarik izan ez zuteneko bihar 16:00etan eta domekan 16:20an emango dute berriz.

## KIROLA



Txapelketa Debagoieneko zirkuiturako puntuagarria izango da.

## Pilota txapelketa martxotik maiatzera

I.A.

Federatu gabeko pilota zaleendako lau t'erdiko binakako txapelketa antolatu dute ibarrean. Martxotik maiatzera bitartean jokatu da Elgetako pilotalekuan. Lehen fasea liga erakoa izango da; bigarrena, berriz, kanporaketa bidez egingo dute.

Elgetakoa Debagoieneko txapelketa zirkuiturako puntuagarria izango da.

### IZENEMATEA

Txapelketa martxoan hasiko da, parte hartu nahi dutenak otsailaren 24a baino lehen emateko beharko dute izena Elgetako Udal Kirol Zerbitzuan. Horretarako 943 76 80 22 telefonora deitu edo [kirola@elgeta.net](mailto:kirola@elgeta.net) helbidera idatzi behar da.

Debagoieneko Kirol Zerbitzuetako bazkideek 12 euro ordaindu beharko dituzte eta gontzakoek, 15 euro.

## HERRITARREN HITZA / Geaxi Ezpeleta • Ikaslea

### Hau, hau eta hura

Irri eta tristura, malko eta algarra, lan eta parranda, neska eta mutil, gogoeta aldi eta eztabaida, aldarrikapen eta borroka, jai eta kultura. Non bildu hau guztia? Klasean? Taberna batean? Agian batzuk bai baina denak?

Demokraziaren aroan bizi omen gara, askatasun eta eskubideak errespetatu behar diren eta errespetatzen diren gizarte omen da gurea, denok daukagu elkartzeko, antolatze eta adierazteko eskubidea. Eta, beraz, gu gazte izan arren eskubide hauen jabe gara. Gauzak horrela izaki, autogestioa, *asanblearismoa*, solidari-

tatea, laguntasuna, hau da, guk geuk gure askatasunaz baliatuz erabakitzen ditugun ezaugarriak betetzen dituzten guneak, gaztetxeak, kudeatzeko, erabiltzeko etab. erako askatasun eta eskubide osoa daukagu. Baina ez da bermatzen.

Ez da agian hedabideek garrantzia emango dien gaia izango, ez du agian gizarte-arentzat interes publikorik edukiko, baina bai eguneroko



"Pentsatzeko eta antolatzeko indarra duena zigortua eta isildua izaten da"

errealitate hau bizi dugunontzat. Golpe bat hemendik, beste bat handik, urteak aurrera eta gauzak berdinduz, utzarazte bortitzak eta ilusioz betetako okupazio berriak.

Non aurkitu eraso hauen zergatia? Agian gure indarrean, eta pentsatzeko eta antolatzeko daukagun kemenak ematen dien beldurrean.

Injustizien aurrean isiltzen ez garelako, inguratzen direnek

beste gizarte modu bat posible dela ikasten dutelako, inposatu nahi diguten pentsaera sinkroniko eta aurre finkatu horretatik ihes egiteaz gain ihes egiteko baliabideak eskaintzen ditugulako. Ezin dute jasan, herri honetako beste mugimendu batzuk jasan ezin dituzten bezala, pentsatzeko eta antolatzeko indarra duena zigortua eta isildua izaten da.

Baina erasotzailea erasotzaile, ikasia daukagu erasoan aurrean aurrera egiten eta utzaraztean aurrean berriz okupatzen.

Gazteak gazte diren heinean Gaztetxeak bizirik!

## LABUR

### Azoka Nagusiko jaiak antolatzeko bilera astelehenean

Azoka Nagusiko jaiak antolatzeko lehen asteburuan ospatuko badituzte ere, prestakuntza lanetan garaiz hasten diren elgetarrak. Horretarako, batzordeak bilera deia egingo du Batzarra astelehenean, otsailaren 14an, izango da 21:00etan, udaletxean. Jaietarako ideien bat dutenek, beste berriz gabe jaiak antolatzeko parte hartu nahi duten herrietarrek batzarrerara agertu behar nahikoa dute. Bertan, jaietarako balorazioa aztertuko eta gero berriak pentsatzeko dituzte.

MENDIA

# Euskal Mendizale Federazioak bilera egingo du zapatuan

I.A.

Euskal Mendizale Federazioak ezohiko batzarra egingo du zapatuan Elgetan. Bertan, zuzendaritza batzorde berria aukeratuko dute hauteskunde bidez. Bi hautagai daude presidente posturako: Alvaro Arregi arrasatearra eta Arantza Jausoro gasteiztarra.

Zapatuan izango da Euskal Mendizale Federazioaren ezohiko batzarra, Espaloia Kafe Antzokian 16:30ean.


Bertan, Zuzendaritza Batzordea berritzeko hauteskundeak egingo dituzte. Bi hautagai zerrenda daude: Arrasateko Besaide elkarteko Alvaro Arregirena bata; eta Arantza Jausoro gasteiztarra da beste zerrendako burua.



Euskal Mendizale Federazioak urteko batzarra ere Elgetan egin zuen iaz.

Gaur egun Antxon Bandres da Euskal Mendizale Federazioko presidentea, baina aldatzeko erabakia hartu dute.

Bozketan parte hartu ahal izango dute mendi elkarteetako ordezkariak, hainbat teknikarik eta beste zenbait mendizalek.



## Sei bikotek jardun zuten erretiratuen karta txapelketan

Erretiratuendako briska txapelketa izan zen eguaztenean Ozkarbi elkartearen. 12 emakumek hartu zuten parte eta bikoteka, liga eran, guztiek elkarren aurka jardun zuten. Miren Zenitagoiak eta Sebastianana Atorrasagastik osatutako bikotea izan zen irabazle eta Debabarreneko erretiratuen mahai-joko txapelketan parte hartzeko txartela eskuratu dute. /I.A.

KAFE ANTZOKIA

# Espaloiarene gainean bilera irekia

IRATI AGIRREAZALEGI

Espaloia proiektuaren nondik norakoak azaltzeko eta jendearen zalantzak argitzeko otsailaren 16an herritarrendako bilera irekia egingo dute Espaloian, 19:30ean. Espaloia-aren jardunaz eta funtzionamenduaz hitz egingo dute, besteak beste.

Batzarraren helburua da azalpenak ematea Espaloia-aren gainean. "Kalean esames eta informazio oker asko dago, eta bilera irekia eginda dena argitu nahi dugu", esan digute Espaloitik. Aretoa zabaldu zenetik izandako jardunaren berri ere emango dute.

Bestalde, bilera egunerako Udalarekin hitzarmen bat sinatua izango dute: "Udalarekin diruaz gaindi dagoen hitzarmen zorrotza dugu", azaldu digute.

Batzar irekia izango da, eta Espaloia-aren gainean galderak dituen edonor joan daiteke. Funtzionamenduaren berri ere eman go dute eta "eskertuko dugu norbaitek lantaldeetan parte harzea", esan digute.

GUSTURA LANAREKIN

Programazio "trinkoa" izan dute orain arte, eta erantzuna "balekoa" izan da. "Oso gustura gaudete Espaloia-aren ematen duenarekin. Inbertsioetara ere bideratu ditugu ahaleginak", esan dute.



GOIBEKOKALE

Ekitaldietan lortutakoa inbertsioetara bideratu dute.

LABUR

## 'El Decameron' antzezlanaren ikusteko sarrerak salgai ipini dituzte Espaloia Kafe Antzokian


Datorren otsailaren 18an *El Decameron* antzezlanaren ikusteko aukera izango da Espaloian, Ados teatroren eskutik. Emanaldia 22:30ean izango da, eta, Espaloitik jakinarazi digutenez, sarrerak aurrez erosteko aukera izango da. Horretarako Espaloira bertara joan edo telefonoz egin daiteke erreserba (943 78 90 85). Ipuin bilduma da *El Decameron*, eta erotismoak indar handia du antzezlan horretan, baita umoreak eta ironiak ere. Boccacioren lana da, eta bertsoa, berriz, Jose Antonio Vitoria eta Garbi Losadarena.

JAR EZAZU HEMEN ZURE PUBLIZITATEA

Goibekokale



Aro berria, erakusketa berria.



FAGOR 

**jakina**  
BAINU GELAK · SUKALDEAK · KERAMIKAK

Amillaga 10  
BERGARA  
943 76 03 30

## Goza itzazu OTSAILEKO preziorik onenak

Irteerak Bilbotik

<b>MALLORCA</b> 7 gau	<b>172€</b>
D'or Tobago Hotela 3* • MO	
<b>TENERIFE</b> 7 gau	<b>236€</b>
Acuario Hotela 2* • MO	
<b>LANZAROTE</b> 7 gau	<b>178€</b>
Siroco Aptu. 2G • OB	
<b>KANARIA HANDIA</b> 7 gau	<b>215€</b>
Green Sea Aph. 2G • OB	
<b>TUNEZ</b> 7 gau	<b>201€</b>
Sindbad Center Hotela 3* • ME	
<b>AMSTERDAM</b> 2 gau	<b>444€</b>
Hem Hotela 3* • OG	
<b>ERROMA</b> 2 gau	<b>314€</b>
Caravel Hotela 3* • OG	

Irteerak Bilbotik

<b>LISBOA</b> 2 gau	<b>339€</b>
Embaixador Confort Hotela 3* • OG	
<b>PARIS</b> 2 gau	<b>317€</b>
Montmartrois Hotela 2* • OG	
<b>BERLIN</b> 2 gau	<b>414€</b>
Agon Lichburg Hotela 2* • OG	
<b>LONDRES</b> 3 gau	<b>288€</b>
Lily Hotela Turista • OG	
Irteerak Madrildik	
<b>SENEGAL</b> 7 gau	<b>965€</b>
La Teranga Hotela 4* • ME	
<b>CABO VERDE</b> 7 gau	<b>451€</b>
Sobrado Hotela 3* • OG	

Zure oporren erreserba otsailean eginda eta VISA txartela eskatuta, Week-End Plan taloi bat opari egingo dizugu

Hauk ditu barne: hegazkinean joan-etonia Bilbotik eta Madrildik eta lekualdaketak. Egonaldia logela bikoitzean eta aurretik aipatutako erregimenean. Prezioak pertsonako otsaileko egun konkretuentzat bakarrik. Kontsultatu gehigarriak/deskontuak Espainiako beste aireportu batzuetatik. Tasak, gestio datuak eta karburantearen igoera ez daude barne. ESERLEKU MUGATUAK. PREZIO HORRE-TATIK AURRERA. OB: Ostalua Bakarrik; OG: Ostalua eta Gosaria; ME: Mantenu Erdia; MO: Mantenu Osoa; GB: Guztia Barne



**6**

hilabeteko finantzaketa interesik gabe lor dezakezu Doan, eskatzean eta berrizatzean

**36€-ko**  
Week-End Plan  
TALOIA OPARI

## Ez irudikatu. Egin.

Orain Ibargarai 2an gaude. BERGARA Telf: 943 76 44 45

VIAJES-BIDAIAK  
**ECUADOR**  
Marka handi baten berrmea